

## 01 世間第一翫

卓美玲

聽講生困誠辛苦，催陣的時有佢疼？有人講袂輸予銃子彈著，嘛有人講彼種疼，親像刀仔咧割空款。阮阿母生產的時，疼三暝三日生甲艱苦罪過閩仔無命，尾仔拜託醫生緊共破腹。自破腹彼工到今，阿母的腹肚皮面頂，除了有真濟皺痕，闊有一條十外公分的痕，阿母講這是一逝性的紀錄線。

自細漢我就足愛和阮阿母話仙，逐工放學轉到厝，我攏會緊共伊攬一下，隨共我佇學校發生的大細項代誌和伊分享。有一改轉到厝，看著阿母佇門口埕，我隨從去共攬咧，啥人知影煞害伊跋甲吭趺翹，伊驚我摔著傷，家已煞黝著釘仔，趺頭跌闊裂一空，血水滷滷滴。暗頭仔我行去伊的眠床邊，輕聲細說共問講：「會疼袂？」阿母硬氣講：「今生你的時疼三工，都無咧哼矣，這馬小可仔擦破皮，袂死啦！是講你食毋著藥仔喔！英雄從倚來，是咧著猴hiioh？」我倚佇阿母身軀邊共司奶講：「你的生日欲到矣，你愛我送你啥物？」阿母隨應講：「三八啦！你健康平安，莫定破病，我就誠萬幸矣。」自阿母跋倒彼工到今，伊的趺頭跌面頂闊加一逝疤，阿母講這是一逝幸福的紀錄線。會記得讀幼稚園的時，我問阮阿母會使生一个阿兄予

我做伴袂？伊煞吐大氣愧頭講：「慧困，阿母的工廠已經無咧生產，原料嘛強欲過期，這馬生蟲母有啦！」阿母這個慧查某為著欲生我食真濟苦，醫生是對臺灣頭看到臺灣尾，伊講：「漢醫、西醫精差無去看獸醫爾爾，宮廟一間一間拜，連童乩拆的藥單嘛提有著。」佳哉四冬的向望，天公伯仔有靈聖，予阮有機會做母仔困。阿母就按呢慧慧仔共我晟，驚我寒、驚我熱。寒人的時，伊不時喝艱苦，因為伊身軀頂的兩逝紀錄線會發癢起癢，毋過阿母那抓那笑講：「我歡喜啦！我甘願啦！」看著彼兩逝紀錄線，我閩較了解啥物是堅強、啥物是偉大。阿母有歲矣，嘛定喝忝，這馬日頭傷猛，我會倚佇阿母頭前共伊遮日。有代誌愛擔，阮肩胛頭的氣力嘛已經攞便便。我想：困仔會精光成人，攏是有遮濟世間第一翫。

## 02 共阿母比一个讚

白麗芬

大概半冬前的一个禮拜，阿母去朋友個兜做饅頭。個共中麵粉、水、糖俗發粉攪攪、搵搵閤捏捏咧，等發酵好勢共炊子熟，就變做饅頭矣。這是阿母頭擺學做麵粉路，伊感覺有夠神奇的，就想欲家已做看覓，隨去共遮的食材款齊著，佇灶趺起鼓矣。過三、四點鐘，燒燙燙、猶咧衝煙的饅頭誠實捧出來囉！阿母常在講伊頂顛扞灶，袂曉變食的，遮的饅頭做了無婿款，毋過我認為伊已經蓋厲害矣，干焦去綴人學一改爾，就有才調做出來，非常值得呵吃，所以我共阿母比一个讚！

窮實阿母的工課真無閒，但是自從伊學會曉做饅頭了後，伊足興嘛足綿爛做，見若稽頭閤縫伊就做，做好就冰冷凍，共冰箱攪甲凍滿滿，啊若阮的早頓，免講嘛知，當然逐工攏是饅頭。阿母驚阮食甲瘡，就變換各種口味，親像金瓜、牛奶、綠茶俗芋仔。伊閤驚營養無夠，就加餒一寡像紅豆、核桃俗葡萄乾遮的配料。伊講家已做的饅頭，毋但省錢、衛生，猶會當做俗喙、有特色的口味，這去外口百面無地買。

是講有時星光、有時月明，猴也會跛落樹跤，阿母咧做饅頭有當時仔嘛會脫簞。籠床一下掀開，看著饅頭毋是

膨皮、金滑的，煞是皺裂兼糜糜卵卵，阿母的面隨捋落來，精差日屎無輾落來爾爾。好佳哉伊袂銜志，若毋是去網路查，就是去請教朋友，研究到底失敗的原因是啥，聽好成做後過的參考。

當我饅頭食甲淡薄仔起飯的時，無疑悟阿母閤綴人學著做麩俗蔥仔餅，這聲伊閤加兩項麵粉路通變矣，尾後阮的早頓，總算有麩、饅頭俗蔥仔卵餅三種咧輪，袂孤一味饅頭爾爾。我若絮去學校食，同學攏真好玄，嘛真欣羨我食的是阿母親手做的愛心早頓。

我咧想，後擺我若離開厝出去外位蹠，我定著會數念阿母的麵粉路。啊若伊拍斷手骨顛倒勇、儼硬拍拚的精神，正正是我上蓋佩服的所在。講到遮，我欲閤共阿母比一个大大的讚！

## 06 靠勢

楊喆希<sup>1</sup>

透早亂鐘仔一下霆，我就緊對眠床頂趟起來，因為仔日是學校舉辦泅水比賽的日子，這是學校逐年上鬧熱的比賽，嘛是我上期待的活動。

我泅水的技術佇阮班是一粒一的，無論是掠篙泅、水雞泅攏考我袂倒，同學定定嘛呵咾我誠勢。這擺是畢業進前上尾一擺比賽，我當然愛把握展風神的機會，就用盡心機去揣游泳隊的同學故做一組，按算欲提冠軍做紀念。

我和阮這組的同學約佇游泳池門口等，一下見面就嘻嘻嘩嘩講袂煞，老師催逐家緊去換衫閣吩咐講：「愛照起工做暖身運動，連鞭泅水才袂糾筋喔！」當當逐家咧做運動的時，我偷偷仔觀察別組的隊員，一下看就知影阮這組是上勇的。我想……這場比賽應該是桌頂拈柑，暖身運動精彩比兩下就好。

聽候老師的甯仔聲一下霆，比賽就正式開始。阮這組的同學真拚勢，起手就排頭名，我看別組的同學泅甲怦怦喘，恰阮這組愈離愈遠，我心內暗暗仔歡喜，這擺毋是在樣黃的，包穩第一名啦！

我是阮這組上尾个的選手，總算輪著我展功夫矣。我那泅就那聽著同學大聲喝：「加油、加油！著冠軍、提金牌，

光榮倒轉來。」同學喝甲遮大聲，我當然是下性命共速度催落去。

毋知是傷緊張抑是暖身運動做了無夠？泅到一半的時陣，正跤筋煞英雄挽經，一股跤活欲疼死。啊！我糾筋矣！我疼甲佇水底沐沐泅，閣予水啖一下無法度喝救命，感覺家已強欲淹死，只好雙手直直搽。老師看毋是勢，就趕緊共我救起來。我驚甲面仔青恂恂就大聲吼出來，同學攏從倚來關心我、安慰我。

呔會遮落氣咧？老師共我講：「做人毋通傷靠勢，若無，老戲嘛會跋落戲棚跤。」害我聽甲真歹勢，攏是因為我傷靠勢，毋但害家已糾筋，閣害阮這組的心血攏烏有去。對我這個泅水高手來講，雖然是見笑代，毋過我嘛學著教示，知影做人千萬毋通假勢，萬項代誌照起工做，才是成功的基本道理。

<sup>1</sup>楊喆希(Thiat)希